

## ARLeF: plurilinguism za tai prins dîs di vite, un as te sachete par gjenitôrs, nonos e educadôrs

*Dopo il grant sucès de prime edizion, e torne a partî la iniziative “CRESSI CUN PLUI LENGHIS” indreçade ai frutins a pene nassûts de AAS n. 2 “Bassa Friulana - Isontina”*

In principi “**CRESSI CUN PLUI LENGHIS**” al jere un progjet sperimentâl ma cumò, in graciis de sensibilitât e de domande dai operadôrs sanitaris e dai gjenitôrs de Basse Furlane al è diventât une iniziative consolidate. Cussì la Agenzie Regjonâl pe Lenghe Furlane (ARLeF) e à dât bon acet ae domande dal **Dipartiment materni infantîl Tisane-Palme de AAS n. 2** di tornâ a proponi, a doi agns de prime (che e à coinvolzût 1000 frutins a pene nassûts e lis lôr fameis), **une campagne di sensibilizazion sul plurilinguism indreçade a ducj i gjenitôrs che a jentris tai ponts nassite** dal teritori di competence par preparâsi ae nassite dal lôr frutin.

*«O vin realizât une “vuide pratiche”, materiâi informatîfs e ludics didatics e cualchi gadget metûts adun intune valisute – al dîs Lorenzo fabbro president de Agenzie -, che a vignaran dâts ai gjenitôrs di ducj i frutins dal Dipartiment materni infantîl Tisane-Palme cul sproc “Puarte a cjase il furlan”. Il nestri intindiment e chel dai operadôrs sanitaris dal teritori, al è chel di fâ cognossi ai gjenitôrs e ai nonos lis oportunitâts ufieris dal cressi i lôr fruts, fin dai prins dîs di vite, intun ambient plurilengâl fertil, li che il furlan al à ancje un rûl di facilitadôr. Cognossi plui lenghis, di fat, al ufrîs dome vantaçs e nissun disvantaç».*

*«Il progjet, fin dal principi, lu vin sostignût cun entusiasim – e zonte la dotore Silla Stel, responsabile dal progjet pal Dipartiment di prevenzion de AAS n. 2 – parcè che cressi cun plui lenghis al è une biele maniere di promovi il svilup e il benstâ dai frutins a pene nassûts, miorantjur l'aspiet cognitîf. Nus fâs une vore di plasê tornâ a tacâ, slargjantle, cheste esperience sostignude des ostetricis che, di persone, a consegnin il materiâl ai gnûfs gjenitôrs, furlans e no, che al ven simpri acetât cun plasê».*

Une vore di ricercjis scientifichis a concuardin sul fat che imparâ il furlan di piçui nol domande nissun sfuarç ma ben al jude l'aprendiment di altris lenghis come, par esempi, l'inglês. Ce che al è impuartant al è che lis lenghis si cjapin sù come rispuete ae dibisugne di comunicâ, ae necessitât di cognossi il mont e lis personis, al desideri di disvelâ se stes. Cun di plui i fruts plurilengâi in etât cree, a son par solit plui brâfs te atenzion seletive e tal passaç di un compit a di chel altri.

Il progjet “Cressi cun plui lenghis”, si è ancje insiorât **sezion video** che si pues viodi o scjariâ tal sît de Agenzie ([www.arlef.it](http://www.arlef.it)). Trente domandis ai **esperts dal setôr**,

1/3

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<



***Ise une etât juste par diventâ bilengâi?***

*Tacâ adore al à dai vantaçs parcè che il cerviel dai fruts al è plui flessibil e plui in stât di cjapâ sù sistemis linguistics diferents. Però il mont al è plen di “bilengâi tardîfs”, val a dî adults che a rivin a alts nivei di competence linguistiche. La nestre ricercje e à dimostrât che cierts vantaçs cognitîfs che si cjatin tai fruts bilengâi si cjatin ancje tai adults che a son rivâts a un otim nivel di cognossince di une seconde lenghe.*

***Ce isal miôr fâ par difondi il bilinguisim?***

*Al covente cambiâ ategjament e vinci i prejudizis sul bilinguisim che a son ancjemò inlidrisâts in duçj i setôrs de societât. Cetancj a crodin che imparâ dôs lenghis al domandi un sfuarç cognitîf pal frut piçul, che al cressi confondût e che nol rivi a fevelâ ben nissune des dôs lenghis o che il so rindiment a scuele al vegni comprometût. Chestis opinions a son dispès ae fonde des decisions cjapadis des fameis, dai insegnants e dai politics che a finissin par influençâ la vite dai frutins che invece a varessin la oportunitât di cressi bilengâi. Si pues cambiâ fasint une informazion corete su cuâi che a son i grancj vantaçs che al puarte il bilinguisim.*

**INFORMAZIONS PE STAMPE - INFORMAZIONI PER LA STAMPA**

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

&lt;&lt;&lt;&lt;&lt;&lt;&lt;&lt;&lt;&lt;&lt;&lt;